

# 衢州文獻集成

〔史部〕

第  
72  
冊

# 衢州文獻集成

黃靈庚 諸葛慧艷

主編

〔史部〕

第  
72  
冊

國家圖書館出版社

(清)王彬修 (清)朱寶慈等纂

「同治」江山縣志十二卷  
(卷十一中至十二)

清同治十二年(1873)刻本

# 第七二冊目錄

〔同治〕江山縣志十二卷（卷十一中至十二）

（清）王彬修（清）朱寶慈等纂  
清同治十二年（1873）刻本

..... 一

〔民國〕江山縣志二十卷（存卷首、卷一）

汪漢滔等修 王韜等纂  
民國抄本

..... 四四五

〔民國〕江山縣新志稿十九卷（存卷一至七）

千人俊纂  
民國抄本

..... 五三一

江山縣志卷之十一 中

藝文志三

文辭 記傳

薛侯去思碑記 明萬曆五年

徐 霽

古人有言龔遂之買犢一郡之三代也魯恭之馴雉一邑之三代也夫三代之治超軼古今若龔若魯一郡邑之良耳後之論者蹟之三代之隆以是知循良之治自古爲難乃今觀於鳴宇薛公儻所謂龔魯之儔非耶公膺簡命出宰江邑江擁浙上游山峭水激民俗果悍號稱難治邇因島夷礦盜煽孽隣壤羣蠹乘之編氓益梗遂用弗靖余見

田邵養齋二公相繼牧守殫心撫循甫克康乂公整飭官  
常剔除民垢夙夜罔倦法令齊一毋苟文具時方有墾田  
之役弊端叢委當事者欲速其成公寬限而審覈之宿弊  
盡釐卒以就緒江俗負氣而好訐睚眦之怒輒誣以格殺  
伺公始政相煽以眩聽公具燭隱隱摘其一二大憝痛懲  
之他邑之獄有不決者當道屢委讞之理幽伸抑訟者胥  
服歲比荒歉積誠露禱不遑起居又請官錢平糶儲粟以  
賑貸之故民不枵腹而旱不爲災步鰲山水其流峻急自  
通賢門入循渠而達北匯於溪渠道多爲豪家湮塞每霖  
雨決旬則浸灌廬舍往來者率褰裳以濟公復其故道而

公操履端方性資耿介直私謁不敢  
至貪墨豪右之黨尤所屏斥暇嘗下學必課文會講剖  
析疑義指示爲文之標的故一時士類喁喁嚮方保伍鄉  
約行之既久法弛弊滋申令舉行剽竊潛踪強梗循軌其  
所以莫麗率作吾民者類如此天子深嘉擢爲巡按御史  
臺士父老遽留弗克然戴公之政如一日相與鳩工鑿石  
建亭立碑於分司之側因次公之德政書之石以垂久遠  
後之傳循吏者有徵焉

易侯生祠記

明萬曆十六年

黃汝良

懷棠祠江民懷邑侯易公而建以尸祝之者也祠在步鰲

山正學書院之後上倚巖石下俯文江人烟萬井環列仰  
眺儼若公之常坐堂皇而臨蒞之者祠旣成邑父老子弟  
相與祝其上而祀田未備懼無以垂永久屬郡大夫喬湖  
李公兩視邑事內美公德外晉與情於是嘉與士民拓田  
奉守仍諭新尹紫垣張侯竣其事侯歆仰規畫悉象公指  
以故一時爭輸恐後凡置田若干畝以供歲時伏臘適不  
役之燕道衢門人蔡惟範等授簡不佞記其事不佞得爲  
李公倩素熟三衢故事聞公治狀甚具公故常守御史臺  
以裁峻整號爲賢使者曾以他事左遷江山令始江人極  
一公至獨循循爲理其言曰御史務在激揚宜一切以杜

後惠文從事令乃奉法循職耳且吾終不薄令而棄民故  
其治要在坦易而廉平諷咨民瘼起便除害使人人得所  
欲邑無問士庶竄有賙災有恤鰥有娶以至額神祠訓妖  
書清丈田稅以汰宿弊積年駟僧無敢窺牟者致庭無宿  
畝野無捐瘠歲稔物阜乃開文明池剏文昌閣諸士耆與  
藉以起家高第接踵於公車斯不亦悅安強教愷悌父母  
者哉世之遷客傲吏往往厭薄卑瑣視令若不屑大率奏  
越其民民亦秦越報之乃公之秉憲嚴重若彼而其爲令  
優優若此此殆中心惻怛而百世之仁已蓋畏壘大穰庚  
楚祠焉凡以報有功志不忘也固有血氣之所同也以公

之爲德於江固宜永永食報弗絕後之觀是祠者感江人報德之厚而思所以及人之深其亦足以風矣不佞乃不辭而爲之記俾問俗者采焉

翁先生去思碑記

明萬曆十九年

陸可教

見溪翁先生得海濱鄭魯之學以閎抱醇詣推轂闔土及授江山諭立規條率弟子務在敦倫常誠心意培節氣戎靡隨黜浮崇恪先行誼而後文藝申飭鄉射祭饗咸悉追初制嚴覈校課出俸爲餉有寒餒不給葬娶不追請學租粥之歲連饑先生蔬糗自節推食餒士時倭陳荒政日聞閭之枵腹尙得頻首求殮獨衣冠竊立者旣不能出汗力

以瘠口又不能捐廉恥以苟生所賑宜在民先當事者感  
動濟特厚有負冤蒙辱者覈其狀力白於郡邑及申行古  
禮明正學邑之風習以變文運日隆適擢授延平郡江人  
士乃植石於明倫堂以誌不忘不佞有感於先生而深尤  
世之官校序者漫處其地也當漢任律令刑名董賈輩憂  
之遑遑陳說王道在興學校正博士官修舉禮樂教化考  
漢中葉風移俗易彬彬三代風是詎無本哉今烈士籍者  
稍負岐璋輒薄俎豆爲不足若先生之身任世教而悉心  
造士端表維風非以道守官不隨世流者哉後之立此堂  
者無漫視其官而虛國家化成大端也

薛侯祠記

明萬曆二十二年

西安

徐一楨

賓梧

祠在江城北江民感侯德而樹之以傳世世者以徐正節  
祠爲賓以余邵二公祠爲隣縉紳過是都者諏其愷澤靡  
不式而歎曰此真父母生民者模楷也維時郡大夫鵞湖  
李公邑大夫紫垣張公嘉民之久不能忘而益重侯德之  
入人者深爰以其事命記之余與侯契知侯治爲甚悉侯  
性度廉平才算精敏初蒞江時嘗揭示曰理民如理苗欲  
苗之茂必先耨其害苗者故意在煦耰振刷先焉江俗故  
刁獷動以睚眦小忿構結大獄執牘之吏久從利其陷遂  
令壞貨者接踵侯深燭奸欺以片言折之而曖昧立瞞賦

沈翰納包攬侵牟而管鑰乾沒侯痛摘風弊仍立緩征  
停之法凡豁鬻貸而賠國課者不啻數百十家且此時  
如蝟起而侯愛民造士之心殷殷不少置立保甲建義  
申鄉約獎節孝揚隱逸時詣學宮扶輿講藝立會設餼  
親品題有校士錄以行於世他如禱雲壘甘澍隨車民  
頌之曰薛公霖行街衢疏壅拯淖民頌之曰薛公河皆班  
班可書者侯之爲政大都期便民不恤不遑則盡不畏強禦  
見人肺肝不傷於苛憫人誑誤不淪於愒應紛拏繁劇不  
辭劬瘁居官數年行李不能易敝篋以故中外震肅比戶  
可封當時清丈有碑恒愛有錄薛神明有謠傳至今一衣

一粒之安享一子一女之畜衍一俊一髦之奮興與夫一  
作息一出入之熙熙愉快者咸歸侯之盛德培養有以也  
夫塗民之耳目者上下秦越相視不可勝數安有如侯之  
感民民之戴侯愈久而愈不忘者余故樂爲之記以俟傳  
循吏者採焉

養齋邵公不誼碑記

明趙鏜

公蜀都夔人也諱仲祿登隆慶戊辰進士初拜令江以廉  
內召已七載矣父老子弟思吟日起其教化風聲在人心  
者若一日朝侍御霍岡易公令邑首以是詩送相碑於泮  
宮之左題曰不誼托衛風遺咏也屬余筆其事而鐫之余

曰侯天下士也昔召司舶九江秋毫不浼除舊舶稅半商  
民父之構洗心亭勒功江潯聲滿朝野卽推司天銓世仰  
貞白當有太史筆之者余無遠引略誌其令江之蹟以風  
來世侯性廉介鳩視勢利卓然有激濁之志治江剔污弊  
罷冗力抑靡度口不兼旨體不重帛尙德勸義貴囑豪賂  
之風熄約老幼士庶於鄉月諭而旬勸有服義敦行者獎  
不率者警民爭向風途揖讓戶仁義當宿稅禍民境多流  
散乃舉清理法民樂更生又收其閒田租二百石籍於學  
歲賜之士及給繕宮宇月校士者三有餽有勞躬親面訂  
肯肯發聖賢大旨凡此蒸動駿澤皆根於心率於身而淪

於民之肝腑培於民脈垂之山川耿耿而不磨者也他若  
遷啟聖祠而廟制崇開四門墟而方物通崇正學君子有  
所勸小人有所恥者奚愧於衛風所咏哉故碑之宮牆非  
曰誌思樹師的也後之履斯庭誦斯碑者惕然師公於百  
世上斯碑之補於風教者豈淺鮮哉

張侯懷德亭記

侯官

翁正春

士才在宇中爲氣化符徵陶植振育以長其才猷全其節  
義使出而經國庇民砥礪世道良有司事也江山昔稱才  
藪無論藉載諸賢哲以正學大義昭揭百世卽嘉隆間名  
弼萃興天下且藉藉焉紫垣張侯令邑先軫民隱息憊役

均冗課沐積奸布利剔瘼百類具舉悉心造士約文誦  
升堂嚴規優餉熟校而精別之寔賑以粟帑助以婚葬  
孝旌義激勵其行且深爲氣化慮度山川之勝而聳其  
版重構明倫堂新宮廡相邑北缺捍亟爲建塔是侯於士  
也振文藝以立其基布惠澤以養其廉隅修山川以培其  
氣化於心力不殷且周哉適擢召庠弟子員相謂曰自令  
邑來育才若侯希邁也弗誌何以示不忘迺琢石構亭於  
文明池上屬不佞記之不佞以家君常諭是庠時趨省稔  
侯殊蹟遂頎然曰令所職邛乘校序以養民教士兩者相  
濟春秋稱子產衆人之母以能養之不能教也夫士爲邦